

檢驗合格之汽車司機、於發給檢驗憑証時、每名收回手續費壹員、即以此款爲添購檢驗儀器之用、如有盈餘、仍繳還市庫、似此於公家不無小補、在合格之司機月薪可得數十元、祇繳檢驗費一員、爲數極微、當無異議也、是否有當、理合呈請察核等情、據此、查該局檢驗汽車司機體格、每人擬征收手續費一元、以爲購置檢驗儀器之用、可否准予照辦之處、理合提交公決、

提議在中央公園後段建築市府合署案

爲提議事、查市府合署、前經市行政會議議決、以舊法領署爲地址、在當時原擬以收回領土、作公共建築、用意至善、惟本席體察地勢、斟酌用途、深感原議頗多不便、擬請改擇中央公園後部爲署址、較爲適宜、誠以舊領署面積長狹、不敷建築七局之用、如或收用民地、以資擴張、徵論地價奇昂、負擔太重、即市民亦感苛擾、不便一也、該署地位偏於東隅、非常全市行政區域中心、交通雖便、往來馬路究嫌狹窄、不便二也、署內古木成林、空氣清絕、在繁盛城市中、得此天然妙境、以供市民息遊、可謂絕無僅有、一旦芟夷斷伐、改爲公署、殊屬用失其當、不便三也、至於中央公園後段、北達觀音山、南臨模範馬路、將來鐵橋完成、更可直通河南腹部、東西大路縱橫、形成網狀、全市交通、咸集中於此、發號施令、若網在綱、而又四鄰清幽、非如舊領署之囂塵喧擾、此地勢之宜爲市政重心、其便一也、合署所

佔面積、不過全園十分之一、寬闊宏敞、足敷應用、無須收用民地、其餘原有公園、仍可開放、與民同樂、此合署即建於公園後部、於公園毫無妨碍、其便二也、況合署既以公園後部爲地址、舊領署即可闢爲公園、百年古木、藉資保存、市民息遊、別多一處、市內園林將更因此而益增、一舉兩得、其便三也、夫市府爲市政推行機關、所處位置、應擇市民易於達到之地、其外表又須寬宏壯麗、保持美觀、祇有中央公園後部、始具備此兩大條件、而與舊領署相較、又有上述種種優點、此所以宜於改爲市府合署也、所有更改原議理由、理合備具意見書、并圖樣等、提出會議、敬候公決

提議人代工務局局長程天固

提議建築仲凱公園案

爲提議事、查仲凱公園、經已指定中山路旁地段、爲園址本席前奉

市長督促、早日落成、以彰先烈而便息遊、茲已規劃完竣、亟須興工、理合備具意見書、連同圖則、提出會議、敬候公決

提議人代工務局局長程天固